



Aningaasaqarnermut Aatsitassanullu Naalakkersuisoq

Ulloq: 14. oktober 2015
J.nr.: 01.31.06/15-00695

Aningaasaqarnermut Akileraartarnermullu Ataatsimiititaliap pingasunngornermi ulloq 14. oktober 2015-imi aalajangiineranik Naalakkersuisunut ilisimatitsineq.

Kontomi pingaarnermi 84.40.15-imi, Ilinniartut inaannik sanaartornermut tunngasumi, missingersuutitut sunniuteqanngitsumik nuussineq - suliaq nr. 01.31.06/15-00695.

Naalakkersuisut **inassutigaaat**,

”kontomi pingaarnermi 84.40.15-imi, Ilinniartut inaannik sanaartornermut tunngasumi, suliassaq nr. 050.52.091-imut, Paamiuni ilinniartunut inissianut tunngasumi, aningaasaliissutit 1,0 mio. koruuninik amerlineqassasut aamma suliassaq nr. 010.52.060-imut, Nanortalimmi atuartut angerlarsimaffianut tunngasumut, aningaasaliissutit 1,0 mio. koruuninik ikilisinneqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Naalakkersuisut suliame ima allattut ataatsimiititaliamit maluginiarneqarpoq:

”A-overslag-imi sanasunut aningaasartuutit 10 %-iinik naatsorsuutigeriinnngisanik aningaasartuuteqarnissaq sillimaffigineqarpoq. Iuarsaassineq suliassanik naatsorsuutigeriinnngisanik arlalinnik imaqartoq paasineqarpoq, taakkualu malitsigisaannik 10 %-it siusinnerusukkut oqaatigineqartut nungukkiartorput. Suliarinninnerup ingerlanerani maannakkorpiaq affaa suliarineqareerpoq, tassani naatsorsuutigeriinnngisamik suliassanik suli allanik takkuttoqarnissaa aarlerinaateqartoq naatsorsuutigineqarluni.”

Siuliani allassimasuni oqaaseqatigiinnut kingullernut Naalakkersuisut itisilerutaasumik oqaaseqaateqarnissaat ataatsimiititaliamit kissaatigineqarpoq. Tamanna ataatsimiititaliamit ima paasineqassava; tamanna tunngavigalugu aningaasaliissuteqarnikkut allanik kinguneqaateqarnissaa naatsorsuutigineqarsinnaasoq.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput**.

Med venlig hilsen

Jens Immanuelson
Formand for Finans- og Skatteudvalget